

松  
峰  
說  
疫

松峯說疫卷之二

諸城劉 奎松峯著輯

男秉錦濯西述較

福山劉嗣宗南瑛叅閱

姪表 李逢虔謹葢錄

論治

瘟疫名義論

古人言諸瘟疫病者多作溫熱之溫夫言溫而不言瘟疫似爲二症第所言與瘟疫相同則溫瘟疫爲一病也明矣後人加以疒字變溫爲瘟是就病之名目而言豈可以溫瘟疫爲兩症乎其曰春溫夏溫秋溫冬溫總屬強立名色其實皆因

四時感瘟氣而成病耳其曰風溫濕溫瘧溫暑者卽瘟病而兼風濕暑瘧也其曰瘟毒者言瘟病之甚者也曰熱病者就瘟病之發於夏者而言耳至于晚發之說更屬不經夫冬天寒厲之氣感之卽病那容藏于肌膚半年無恙至來歲春夏而始發者乎此必無之理也而顧可習而不察歟至於疫字傳以民皆疾解之以其爲病延門閉戶皆同如徭役然去行而加彥不近取其與疾字相關耳是則瘟疫二字乃串講之辭若曰瘟病之爲厲疫如是也須知疫病所該甚廣瘟字原對疾字不過瘟疫者不過疫中之

。症耳始終感溫熱之厲氣而發故以瘟疫別之此外尚有寒疫雜疫之殊而瘟疫書中却遺此二條竟將瘟疫二字不看故強分瘟疫疫病又各立方施治及細按之其方論又謾無差別殊少情理斷不可從也吁瘟疫二字尚不明其義意又奚以治瘟疫哉

### 疫病有三種論

傳曰疫者民皆疾也又曰疫厲也中夫人如磨厲傷物也聲夫曰民皆疾而不言何疾則疾之所該也廣矣蓋受天地之厲氣城市鄉井以及山陬海澨所患皆同如徭役之役

故以疫名耳其病千變萬化約言之則有三焉。一曰瘟疫。夫瘟疫者熱之始熱者溫之終始終屬熱症初得之卽發熱自汗而渴不惡寒其表裡分傳也在表則現三陽經症入裡則現三陰經症入腑則有應下之症其愈也總以汗解而患者多在熱時其與傷寒不同者初不因感寒而得厲氣自口鼻入始終一於爲熱熱者溫之終故名之曰瘟疫耳。二曰寒疫不論春夏秋冬天氣忽熱衆人毛竅方開倏而暴寒被冷氣所逼卽頭痛身熱脊強感于風者有汗感于寒者無汗此病亦與人陽傷寒傷風相似但係天作之

蓋衆人所病皆同且間有冬月而發疹者故亦得以疫稱  
焉其治法則有發散解肌之殊其輕者或喘嗽氣壅或鼻  
塞聲重雖不治亦自愈又有病發于夏秋之間其症亦與  
痘疫相似而不受涼藥未能一汗卽解纏綿多日而始愈  
者此皆所謂寒疫也三日雜疫其症則千奇百怪其病則  
寒熱皆有除諸瘟諸瘧諸痧瘴等暴怪之病外如癰疽泄  
瀉脹滿嘔吐喘嗽厥逆諸痛諸見血諸癰腫淋濁霍亂等  
疾衆人所患皆同者皆有厲氣以行乎其間故往往有以  
平素治法治之不應必洞悉三才之蘊而深究脈症之微

者細心入理一一體察方能奏效較之瘟疫更難揣摩蓋  
治瘟疫尚有一。定之法而治雜疫竟無一。定之方也且其  
病有寒者有熱者有上寒而下熱者有上熱而下寒者有  
表寒而裡熱者有表熱而裡寒者種種變態不可枚舉世  
有瘟疫之名而未解其義亦知寒疫之說而未得其情至  
於雜疫往往皆視爲本病而不知爲疫者多矣故特表而  
出之。

用黨參宜求真者論

疫病所用補藥總以人參爲最以其能大補元氣加入解

表藥中而汙易出加入攻裡藥中而陰不亡而芪朮不能也則年高虛怯而患痰者有賴于人參爲孔亟矣第參非素豐家莫能致無已則以黨參代之夫古之所謂人參卽今之所謂黨參也故古有上黨人參之號上黨者何卽山西之潞安府也今日上黨所出者力雖薄弱而參性自在其質堅硬而不甚粗大味之甘與苦俱而頗有參意第較之遼參色白耳憶四十年前此物盛行價亦不昂一兩不過價銀二錢厥後有防黨把黨者出止二錢一斤而藥肆利於其價之賤隨專一售此而真黨參總格而不行久之



且并不知真者爲何物而直以把黨防黨爲黨參矣豈知今之所謂把黨防黨者

把故以把名以其形類防風故以防名也將此物加入瘟疫藥中又焉能扶正而除邪也哉用黨參者必當向潞安求其真者而用之方能奏效但真者不行已久聞之濟寧藥肆中尚有而他處則鮮矣此外又有明黨洋參二種明黨形類天冬而兩頭俱銳洋參形似白朮而其性頗涼總不知其爲何物皆不敢用至于藥肆中又有所謂廣黨者因出自廣東夫黨者地名也不曰廣參而曰廣黨其命名

先已不通又安敢服食歟真可發一笑也余閱本草云蒨  
兼可代人參又閱醫書云少用無濟吾鄉山中頗有此物  
因掘取如法炮製而重用之莫其補益不意竟爲其所誤  
服之頭痛惡心尚意其偶然非藥之故後竟屢用皆然因  
知可代人參之說斷不足信也

治瘟疫慎用古方大寒劑論

夫古之黃連解毒三黃涼膈瀉心等劑非古人之好用涼  
藥也以其所秉者厚故用之無寒中之患而獲敗火之功  
今人所秉者薄既不逮古而又兼之以鑿喪若用大苦大

寒之劑其何以當之。邪瘟疫之火因邪而生邪散而火自  
退矣。若用大寒之劑直折其火未有驅邪之能而先受寒  
涼之禍受寒則表裡凝滯欲求其邪之解也難矣。總之如  
黃連黃柏龍胆草苦參大苦大寒等藥皆當慎用以有生  
地二冬元參丹皮梔子黃芩銀花犀角茅根竹瀝童便葛  
根石膏人中黃輩加減出入足以瀉火而有餘矣。如果有  
真知灼見非黃連等藥不可少者分計多者錢計而止不  
可多用

用大黃石膏芒硝論

或曰大苦大寒之劑既在禁例而治瘟疫顧用三承氣白  
虎何也答曰石膏雖大寒但陰中有陽其性雖涼而能散  
辛能出汗解肌最逐溫暑煩熱生津止渴甘能緩脾善祛  
肺與正者之火而尤爲陽明經之要藥凡陽狂斑黃火逼  
血升熱深便秘等症皆其所宜唯當或煨或生視病之輕  
重而用之耳大黃雖大寒有毒然能推陳致新走而不守  
瘟疫陽狂斑黃譫語燥結血鬱非此不除生恐峻猛熟用  
爲佳至于芒硝雖屬劫劑但本草尚稱其有却熱疫之長  
而軟堅破結非此不可但較諸石膏大黃用之便當審慎

松蘿膏  
矣。夫以大黃石膏之功能彰彰若是較之只有寒涼凝滯之性者其宜否不大相逕廷也哉。此治瘟疫者之所不可闕也歟。

### 立方用藥論

雜病用藥品過多或無大害卽如健脾者多用白朮固已再加山藥可也再加扁豆亦可也再加蓮肉棗肉亦無不可也卽如補腎者多用熟地固已再加枸杞可也再加菟絲亦可也再加萆薢首烏在實杜仲亦無不可也補藥固不厭多卽雜症藥品過格勿爲害尚淺覺其不善速爲減

去或可挽回而瘟疫不能也。卽如葛根治瘟疫藥中至和平之品。若邪在太陽加之太早。反足以引邪入陽明矣。又如葛根與白芷均屬陽明散劑。而白芷溫散。葛根涼散。白芷散陽明風寒之邪。葛根散陽明瘟疫熱之邪。若瘟疫之在陽明用葛根而再用白芷。必然掣肘。恐不似他症用藥繁多之帖然無事矣。所以瘟疫用藥按其脉症。真知其邪在某經。或表或裡。併病合病。單刀直入。批隙導窾。多不過五六味而止。至于分兩之重輕。則在臨時。看其人之老。少。虛實。病之淺深。進退而酌用之。所以書內記載之方大半止

有炮製而無分兩欲以變通者俟諸人耳。

### 疫症繁多論

余於疫症既分三種曰瘟疫曰寒疫曰雜疫三者具而疫症全矣然猶未也憶某年一冬無雪天氣溫和至春不雨人夏大旱春杪卽疫厲盛行正瘟疫殊少而雜疫頗多有小兒發疹者有大人發疹者有小兒疹後而患痢患洩瀉者有大人患痢患洩瀉者有先瀉而後痢者有先痢而後瀉者有瀉痢而兼腹脹痛者有脹痛而不瀉痢者有瀉痢既愈遲之又久而復作者有瘟症既愈遲之又久而

復作者有復作而與前不同者有腹脹而不痛者有痛而  
不脹者有不思飲食者有單發熱者有先瘟症而後不語  
者有腫頭面者有週身長癰者有長疥者有霍亂者有身  
癢者有患瘟症而兼泄瀉者城市鄉井緣門閭戶皆同此  
豈達原飲一方所能療歟其治法亦與平常患瀉痢脹痛  
等疾亦異此皆雜疫之類也要之雜疫無病不有唯無嘔  
膈夢遺之爲疫病者耳

### 治疫症最宜變通論

世之重疾無逾風勞鼓膈而四者之治總有蹊徑可尋如



風症止真中類中二條真中殊少治法無多止有類中亦不過氣血虧損而已故張景岳恐人認作風治特立非風一門究其治法唯大補氣血而止勞症卽云難治亦不過陰陽水火氣血先天後天視其何者虧損而補益之噉脹有驅水理氣之殊噎膈止潤燥養血之法唯至干疫變化莫測爲症多端如神龍之不可方物臨症施治者最不宜忽也瘟疫尙好治療識其表裡已得大綱卽有變現雜症如斑汗發黃之類皆易捉摸卽雜疫如所謂諸瘟諸痧諸瘧等症各具療法亦易施治唯乙巳年民之所患并非奇

疾怪症不過病疾洩瀉肚腹脹痛等病有何難療孰意用  
平日治此疾法治之半皆不應或二三人同患一症而治  
法各異者施之此人而效施之彼人而又不效矣或有一  
人患是症而愈而復作者其治法又異施之首此而效施  
之後此而又不效矣若非具慧眼卓識而窺見垣一方者  
豈能人人而濟之乎蓋必深明乎司天在泉之歲正氣客  
氣之殊五運六氣之微陰陽四時之異或亢旱而燥熱煩  
灼或霖雨而寒濕鬱結或忽寒而忽煖或倏晴而倏陰或  
七情之有偏注或六欲之有慝情或老少強弱之異實或

富貴貧賤之殊途細心入理再加以望聞問切一一詳參  
庶病無遁情而矢無妄發至于治法千變萬化隨宜用藥  
莫可名言故仲景曰瘟疫不可先定方。瘟疫之來無方也  
旨哉斯言疫病一門又豈一百一十三方所能盡哉是在  
留心此道者神而明之可耳

抄復論

凡治傷寒瘟疫醫者最重初次得疾至于抄復謂死者蓋  
寡每視爲最輕而謾不經意焉蓋謂抄復之病人身之經  
絡臟腑皆前次瘟疫所曾經傳遍之所則此番不過由熟

路而行故邪氣易出也古人原有此論豈知此第語其常也獨瘟疫盛行之時則不然蓋是時疫氣所積者厚卽無氣食勞損之因尚有重感厲氣而復者更有前番餘邪稍有未淨再醞釀滋蔓而抖然自復者是天地之邪與人之氣血膠固充塞鬱勃糾紛故復至三四次尚有隕命者矣慎毋以其復也而忽之

僅讀傷寒書不足以治瘟疫不讀傷寒書亦不足以

### 治瘟疫論

傷寒者爲寒所傷其來也有因故初感總以汗散爲主若

瘟疫并非因寒而得不可以治傷寒之法治之非唯麻桂  
不用。卽羌活十神等湯亦非對症之藥所謂讀傷寒書不  
足以治瘟疫者此也。至於瘟疫變現雜症之多幾與傷寒  
等吳又可瘟疫論中僅有班黃汗狂等數條至於傷寒中  
之諸汗諸痛諸血症以及譫狂渴煩惕瞤瘕瘕不語搖頭  
大小便等症之方論瘟疫中可以裁取而用之者正復不  
少也然必斟酌盡善而後可是總在人之學力見解而非  
口說之所能盡矣所謂不讀傷寒書不足以治瘟疫者如  
此

讀傷寒書當先觀陽症論

傷寒書率皆將陰陽二症參錯並舉倏言陽症而用硝黃  
又倏言陰症而用桂附推作者之意雖相提并論而其中  
分析原自了然若曰陽症若此而陰症則如彼也讀者不  
善體會隨將陰陽二症攪作一團故有謂一人之病有忽  
陰而忽陽者有謂病在陽經爲陽症傳入陰經爲陰症者  
有謂陰陽錯雜而難分者物種支離不可枚舉卽不出乎此  
亦視陰症爲世所長有與陽症參半故臨症每將陰陽二  
字交戰於心而迄無定見無怪乎用藥差錯而悞人性命

也欲除此弊莫若分讀先習傳經之陽症將直中陰經之陰症暫行緩看蓋陽症明而習陰症自易耳何者陽症頭緒繁多變現百出至于陰症並無傳變治法無多易學易療當黜之雜症門中與暑濕霍亂諸中等疾爲一類則自無陰陽誤治之弊

### 舍病治因論

吳又可書中有舍病治藥之論此第知其一耳而抑知瘟疫之有所因者更非一說之所能盡也蓋有因食因酒因痰因驚因鬱因氣因思水不與因飲水過多因過服涼藥

因誤服溫補因服諸藥錯誤因信巫祝擔擱種種因由未  
可更僕皆當暫舍其所患之瘟而求其弊以治其因也食  
宜消之酒宜解之痰宜化之蠶豆鎮之鬱宜開之氣宜順  
之水宜行之寒宜溫之熱宜涼之再佐以治瘟疫之藥始  
得非全拋而舍之之謂也更有兼食兼飲兼痰兼水等症  
而卒難得汗者治法畧同但又當以治瘟疫爲主而治兼  
之藥佐之矣總之務要寒熱溫涼之不差臟腑經絡之不  
惑方可以起死人而肉白骨也是亦在乎神而明之者



瘟疫統治八法

解毒

凡白古飢饉之後或兵氛師旅之餘及五運之害制六氣之乖違兩間瘴氣與人事交并而瘟疫始成焉人觸之輒病症候相同而飢寒辛苦之輩感者居多在高虛怯之人感之偏重是皆有毒氣以行乎間此毒又非方書所載陽毒陰毒之謂未病之先已中毒氣第伏而不覺既病之時毒氣勃發故有變現諸惡候汗下之後餘毒往往未盡故有自復之患是毒氣與瘟疫相爲終始者也茲定金豆解

毒煎以解其毒勢且能清熱並不用芩連梔柏而熱已殺

殺音  
曉矣。

金豆解毒煎

自定新方

金銀花

三錢

萊豆

皮三錢

生甘草

一錢

陳皮

一錢

蟬退

去足起八分

井花

水

清晨首汲

煎

或再加疆蚕

浸去涎

一錢

銀花能清熱解毒療風止渴萊豈甘寒亦清熱解毒之

品兼行十二經祛逐疫毒無微不入甘草解一切毒入

涼劑則能清熱亦能通行十二經以為銀花萊豈之佐

陳皮調中理氣使營衛無所疑滯蟬退取其性之善退

疆蚕勝風  
去痘退熱  
散結瘰癧  
之風溫君  
風蒼羌防  
風等藥則  
煩燥愈甚  
而熱毒愈

鹹寒若兼  
大頭發願  
咽喉諸症  
更宜加入  
鹽豉

輕浮易透肌膚可散風熱開肌滑竅使毒氣潛消也此  
方於瘟疫十傳中皆可加減消息用之

菜糖飲目定新方

五谷皆可入藥如白虎湯之用粳米白朮散之用薏仁  
牡蠣散之用浮小麥疏鑿飲之用赤豆阿膠散之用糯  
米以及麥芽黃卷飴醯等項靡不各効其能以見於世  
甚至於麵合麵則稱之曰神黍蘖酒則推之曰聖取精  
用宏未可更僕數矣獨菜豆之功能世鮮有知者何菜  
豆之蹇於遇乎菜豆性雖清涼而不寒苦且善於解毒

退熱除煩止渴利小水獨於治瘟疫爲尤宜焉張景岳  
有菜豇飲載在新方寒陣中雖極贊其妙但惜加入食  
塩以之治瘟反益發渴而菜豆之功能隱矣今易以洋  
糖則既能解毒且兼涼散瘟疫初終俱可服食乃平易  
中之最佳最捷方也至於窮鄉僻壤農家者流以及寒  
土征人倉卒苦無醫藥用此亦可漸次汗解卽服藥者  
兼服此飲更能添助藥力以成厥功經症未明者服之  
亦總不犯禁忌誠治瘟疫之良劑幸毋以平淺而忽之  
也。

蒸豆不拘多少白糖酌加 菜豆功全在皮毋去之

將菜豆煮醃湯取出加洋糖與飲冷熱隨病者之便以  
此代茶湯卽與飲飢則拌糖並食其豆

# 針刮

針法有二用針直入肉中曰刺將針尖斜入皮膚向上一

撥隨以手攝出惡血曰挑刮法有四有用蛤壳者有用磁

盅者有用藤蓀者雅刮有用銅錢者凡刮或蘸清水或蘸

水或香油余見刮瘟疫者則用小裹蘸燒酒刮之瘡出紫

疙瘩如熟權隨用針斜挑破攝出血再另刮出疙瘩挑之

刮畢挑止原其用裹蘸酒之意取其以火攻火固已不如

易以葶藶油蘸刮如無用藤汁揭葶藶仁稍更捷余見刮

挑者往往待瘟邪入裡現譫狂等症方用之初感即用此

方當更善也至於瘟疫或有咽喉諸症則刺少商穴刺法

並見下或體厥脉厥等症刺少商穴並十指上薄肉靠指

蝦蟆瘟一韭菜當中刺之血出如血不出可攝出之皆效甲邊

寬處

刮針穴道 頸項後當中刮一道兩旁左右大筋上各

刮一道 左右兩肩軟肉處靠肩各刮一道 兩肩下

脊背上軟肉處各刮一道 脊骨兩旁豎刮自脖子下各

兩道 背後脇間肋縫中軟肉處左右各刮數道 前

夾傍軟肉處斜刮各一道 前脇間肋縫中軟肉處左

右各刮數道每處如刮出紫疙瘡

隨用針挑破攝血

# 涌吐

吐法近今多不講而抑知實有奇效也吳又可止言邪在胸膈欲吐不吐者方用此方而抑知瘟疫不論日數忽得大吐甚是吉兆將欲汗解也吳太史德菴宿病胃痛極則吐偶感瘟疫十餘日正危急間又犯宿疾胃口大痛移時繼以嘔吐困頓不支衆皆惶遽莫措求余診視余曰無妨可勿藥有萬不久當汗解矣衆以余言始定至夜果大汗而愈蓋吐中卽有發散之意彼觸動沉痾而吐者尚能發瘟疫之汗則涌吐之功又安可沒也耶



仙傳吐法

治一切瘟疫傷寒傷風傷酒傷食

飲白沸湯半碗以手揉肚再

飲再揉直至腹無所容用雞翎探吐吐後煎葱湯飲之

覆衣取汗甚捷初得病用之更宜

蘿蔔子湯位法

凡邪實上焦或痰食氣逆不通蘿蔔子搗

碎溫湯和攪徐飲之少頃即吐或吐不盡必從下行

又法

食鹽少許炒紅入滾水寧稍淡勿過鹹取半碗漸次加增飲自然發吐以去病爲度治食傷痞悶膈痛手足逆冷尺脉全無兼治冷氣鬼氣蠱毒又法

燒鹽對熱童便三飲而三吐之治乾霍

又法

治積食胸悶不直汗下者

淡豉

食鹽

水煎服取吐

## 奄熨

景岳全書中有奄法止治傷寒結胸一症而抑知此法不第治結胸爲然凡瘟疫用藥後弗卽汗解俟六七日應汗不汗覺心腹中稍有悶痛等症用奄熨之法往往大汗而愈是亦一瘟疫取汗之良方也蓋內通而外未有不解者且不特此也舉凡瘟疫傷寒諸結胸痞氣支結臟結其有中氣虛弱不任用藥攻擊者以此法治之則滯行邪散其效如神並治雜症不論寒熱胸脇心腹軟痛版悶皆效

奄熨法

生葱

生薑

生蘿蔔

如無以子代之

婦

按原方云葱薑各數兩蘿蔔倍之愚意不如隨症加減更妙如有表邪或氣滯者生葱爲君寒多者生姜爲君痰食滯者蘿蔔爲君泛用各等分或葱多些亦可右用各數兩共搗微爛過爛則成水難包入鍋炒熟佳火用布包出一半熨患處冷則將鍋中熱者再包出熨之輪流更換覺透爲度無不開通汗出而愈

## 助汗

古有汗吐下三法而汗居其首者以邪之中人非汗莫解也吐雖有散意向待汗以成厥功下之有急時因難汗而如用此是不論傷寒瘟疫而汗之功爲甚巨矣瘟疫雖不宜強發其汗但有時伏邪中潰欲作汗解或其人秉賦充盛陽氣冲激不能頓開者得取汗之方以接治之則汗易出而邪易散矣茲謹擇和平無碍數方以備以倘瘟疫之輕者初覺卽取而試之又安知不一汗而解乎

薑梨飲 治久汗不出

大梨一箇 生薑一塊 同搗汁入童便二盅重湯頓服

取汗方

用新青布一塊冷水或黃連水浸過略擠乾置胸上良久布熱酌易之須臾當汗出或作戰汗而解夏月極熱用此法他時斟酌用之

凡瘟疫熱在上中焦皆可用之清熱解毒邪解而汗出非能發

汗也

又取汗方

蒼朮

羌活

白朮

等分生薑汁爲丸彈子

大每用一九男左女右緊攥對前陰處再挖葱湯取汗  
點眼取汗方

冰片 一分 枯礬 一錢 粉草 錢  
共爲細末蘸無根水點

眼角先飲百沸水一二碗點後兩手緊攥兩肩屈膝片  
時卽汗二三次汗透卽愈

塞鼻手握出汗方 謔語循衣摸床形如醉人且如猴像  
呃逆目赤俗云猴症實陽毒也

麝香 黃連 硃砂 各三分 班毛 一分

共爲細末棗肉爲丸銀硃三分爲衣作二丸用絹包一

塞鼻內

男左女右

一握手中出汗即愈

松峯按此即俗云猴藥也然此名不見經傳細忖其方亦未可厚非故亦能取效麝香以開竅黃連以清熱硃砂以逐邪用班毛之毒以攻疫毒棗以和營衛銀硃以發散頗有至理存焉

葱頭粳米粥 治時瘟取汗

白粳米

一碗

葱頭

連鬚廿根

加水煮粥煮一滾滾服取汗

曾出汗者不用

洋糖百解飲

治瘟疫並傷寒

共研極細末收磁瓶內無令出氣遇時疫男左女右眼  
大眼角蓋被卽出汗

普救五瘟丹 專點傷寒瘟疫用水蘸藥點兩眼角一次  
不汗再點必汗出

冰片

六分

牛黃

一錢

麻黃

二錢  
四厘

琥珀

一錢  
五厘

生甘草

三錢  
五分

共爲細末磁瓶收貯

又發汗方

瘟疫始得一二日頭痛壯熱脉盛

硃砂

一錢

水三盞煎一盞去砂飲之蓋被取汗忌生血物

又方 硃砂末酒調遍身塗之向火坐得汗卽愈



又方

頭痛壯熱脉盛 乾艾葉水煎

又方

生牛蒡根升空腹服訖取桑葉一把炙水煎服

無葉用枝

又方

頭痛壯熱 生葛根汁一盞豉三錢水一盞共煎一盞服

如心煩熱加梔子一二錢

又方

頭痛煩熱 皂角燒研新汲水一盞姜汁各少共和

皂角末二錢服先以熱水浴淋次服藥取汗

止汗法

瘧病如大汗不止將髮人水盆中足露於外宜少益用炒麩糯米粉龍骨牡蠣煨其爲細末和勻周

身撲之汗自止

免致亡陽之患

療瘟神應丹

發瘟汗  
最速

壯年人身汗泥丸藜豆十七粒姜二

片黃蒿心七个水一碗煎送

說男病用女女病用男  
說純用男人存參

## 除穢

凡瘟疫之流行皆有穢惡之氣以鼓鑄其間試觀入瘟疫之鄉是處動有青蠅千百爲群夫青蠅乃喜穢之物且其鼻最靈人所不聞而蠅先聞之故人糞一拋而青蠅頓集以是知青蠅所聚之處皆疫邪穢氣之所鍾也更兼人之穢氣又有與之相濟而行者凡凶年飢歲殍尸遍野臭氣騰空人受耳薰觸已莫能堪又兼之扶侍病疾歛埋道殣則其氣之穢又洋洋而莫可禦矣夫人而日與此二氣相習又焉得不病者乎使不思所以除之縱服藥亦不靈卽

靈矣幸愈此一二人而穢氣之彌淪布濩者且方興而未  
有艾也可不大畏乎茲定數方開列於左倘瘟疫之鄉果  
能焚燒佩帶則不覺穢氣之潛消而沉疴之頓起矣

除穢靖瘟丹

自定新方 將藥末裝入絳囊約二三錢毋  
太少闔家分帶時時聞臭已病易愈未病不染

蒼朮 降真香

川芎

大黃

各二錢

虎頭骨

細辛

斧頭木

係斧柄人  
斧頭之木

鬼箭羽

桃梟

小桃乾  
在困者

白檀香

羊躑躅

羌活

甘草

草烏

藁本

白芷

荊芥

乾葛

蝟皮

山甲

羚羊角

紅棗

乾姜

桂枝

附子

鍛灶灰

川椒

三奈

甘松

排草

桂

皮各一錢共明雄錢二硃砂錢二乳香錢一沒藥一錢四味一

蒼降反魂香

自定

蒼木

降真香

各等分共末揉入艾葉內  
編紙捲筒燒之除穢祛疫

· 宜忌

治瘟疫雖以用藥為尚而宜忌尤不可以不講也不知所  
宜不能以速愈不知所忌更足以益疾茲特取所宜所忌  
者如于條開列於左俾病家醫者有所持循遵守庶投劑  
有靈而養病無弊矣

房中不可燒諸香祇宜焚降真

諸香燥烈  
降香除邪

不宜見日光

太陽

不宜見燈光

總以  
火故

臥須就地南方即在地塘版

上布蓆卧

亦就陰遠熱之意

衣被不可太暖寧可稍薄唯足宜

常暖 不必帶帽

風有應避不應避

風能解熱濕涼有條疫之功正疫家

對症妙藥不必垂簾密室病者言不欲見風避之可也

不可惱怒

病時病後俱宜戒

食奠

過飽

病時病後皆宜戒

尤忌魚肉

病時病後

忌房事

病後

忌勞心力

病後

條舌散火

蜜潤刮之

愈後半月不可食韭

食即發

忌飲

燒酒

陸路不可坐車

震動之病增劇不救當宜靜不宜動

愈後浴冷水

損心包

# 符呪

蓋聞河洛開靈符之源詛祝寄神呪之意載在經典炳若日星至於釋氏仙翁則更以符咒爲宗要神而明之可以飛升況以之却病乎茲取試之有效者敬錄數則以佐藥餌所不及皆出自佛經道藏並非邪說之可同日而語也

## 赤靈符


抱朴子曰五日朱書赤靈符着心前祛癰去百病

正月元日佩

赤靈



符式



避瘟神咒

唵嘛呢吽

音烘 音吽 吽

遇疫癘盛行時用硃書黃紙土帶在身邊再不時須此  
神咒可避邪疫 患瘟疫者汗後如見鬼神妄言不寐  
用硃書此咒佩之神效

禦瘟符咒

太上淨明禦瘟經畧曰天地無私陶鑄萬物本無善惡世  
人自私故生災禍飲食不忌服鍊不時善既無聞過則  
可述司罰之神得而窺測布此毒氣一及成疾不悟愆




尤不能保護反怨道咎師其疾愈甚大凡四時調養務  
在得中服藥吐納以生正氣我有神符使其佩服合免  
斯難兼有秘呪每日能齋而誦之神將日夜護衛瘟毒  
百神皆知其爲太上弟子畏而敬之誦至百遍百鬼頭  
破腦裂而散咒曰唵<sub>訥</sub>旃<sub>音</sub>暮祇混<sub>音</sub>嘑<sub>音</sub>馬<sub>音</sub>囉<sub>音</sub>呂<sub>音</sub>餘<sub>音</sub>  
九天高明大使神功妙濟真君驅瘟遺瘟消災真符

二十字作一句讀

書符以朱書黃素左手五雷訣右手舉筆呪口洞天赤  
文丹靈耀虛驅瘟攝毒奉命天書金籙玉簡鬼鬼悉驅

太上有勅元君安居急急如太虛紫清律令勅

辟瘟符式



送瘟疫時災吉凶詩

甲子送神神便去

乙丑苦送損人凶

丙寅宜向南方送

送瘟之後王興隆

丁卯戊辰送必凶

己巳南方千里通

庚午辛未傷人命

壬申癸酉不回踪

甲戌須教大難當

乙亥丙子送西方

丁丑戊寅千里外

己卯直去不回房

庚辰辛巳送大吉

壬午癸未送西安

甲申乙酉與丙戌

送瘟去後不回還

丁亥送神仍舊病

戊子己丑宜西行

庚寅辛卯壬辰日

送瘟反見不安寧

癸巳之神病不愈

甲午損人不須詳

乙未丙申并丁酉

此三日送仍還鄉

戊戌巳亥主半去

庚子辛丑西不歸

壬寅送神神不去

癸卯亦吉永無危

甲辰乙巳三口虧

丙午丁未南行利

戊申送神神又轉

己酉庚戌去無疑

辛亥壬子并癸丑

甲寅乙卯病依舊

丙辰丁巳不回還

戊午送來病相守

己未送瘟損人口

莫用庚申并辛酉

壬戌癸亥總不宜

仙人口訣當遵守

凡感瘟疫之家按花甲宜送之日有方向者照方向用

香楮送之無方向者隨便送之大吉

善後

瘟疫愈後調養之方往往不講而抑知此乃後一段工夫所關甚巨也卽如過飽者曰食復惱怒者曰氣復疲於筋力者曰勞復傷於色慾者曰女勞復載在經書世皆知之尚有時而觸犯此外人所最易忽者猶有三焉不在諸後之條者也雖已愈多日而氣血苟不充足犯之隨有釀成終身之患者焉一口淫慾凡人房事必撮周身之精華以洩氣血未充七日未能來復慾事頻數勢必積損成勞厄

蘭損爵一日勞頓或遠行或作苦疲斃筋力嘗時不覺將  
來支體解休未老先衰其苦有莫可名言者一日忍饑愈  
後凡有覺餓必得稍食萬毋強耐過時反不欲食強無亦  
不能化是飢時既傷於前強食又傷於後中州敗而肺金  
損則勞嗽脾胃之病成矣至者人多忽之故不可不謹

瘟疫六經治法

太陽經 頭痛熱渴

太陽以寒水主令手太陽以丙火而化氣於寒水陰勝則壬水司氣而化寒陽勝則丙火違令而化熱故太陽以寒水之經而易於病熱冬不藏精相火升泄傷其寒水閉鬱之氣火旺水虧已久及春夏感病衛閉營鬱寒水愈虧故受病卽發熱作渴而不惡寒也太陽在六經之表是以感則先病其經自頭下項行身之背故頭項痛而腰脊強肺主衛肝主營而總統於太陽太陽之經在皮毛之部營衛

者皆皮毛之所統轄。瘟病衛閉而營鬱。法當清營熱而泄  
衛邪。治宜涼金補水而開皮毛。元霜丹主之。

元霜丹 治太陽頭項痛腰脊強發熱作渴

浮萍 三錢

麥冬

二錢 去心

元參

二錢

丹皮

二錢 酒洗

芍藥

一錢

甘草 一錢

生姜

三錢 切

大棗

二枚 劈

水煎熟服。覆衣取少汗。一方去元參麥冬。治同。

身痛脉緊煩躁無汗

瘟疫在太陽脉浮頭痛發熱汗出以風強而氣不能閉也。  
若脉浮而緊發熱惡寒身痛腰疼煩燥無汗而喘促者是。



寒束而邪不能泄也。蓋溫疫有汗，寒疫無汗，以風性踈泄而寒性閉藏，衛陽過閉，邪不能泄，營衛莫達，則煩燥喘促，與似寒同治，宜以浮萍黃芩清散經絡之熱也。

浮萍黃芩湯

浮萍 三錢 黃芩 一錢 杏仁 二錢炮 甘草 二錢生薑 三錢

大棗 二枚

流水煎大半盃，溫服覆衣。

煩熱燥渴

煩熱燥渴與前發熱作渴不同，故用白虎而不用元霜矣。

病在太陽經未入陽明之府，不至遽生煩渴。若陽明燥盛之人，經熱外遏，燥氣內應，則見煩渴。陽明從燥，金化氣府。

燥發作故有煩熱便難之證今府燥未作胸燥先動是以煩渴生焉其太陽表症未解宜浮萍石膏湯清金而解表絕其燥熱入府之源表症已解第以白虎加元麥湯清燥生津氣虛者加人參以益氣因表解而陽虛恐燥去而陽亡也

白虎加元麥湯 治太陽經罷煩熱燥渴

石膏

三錢

知母

錢

甘草

乙錢

梗米

一撮

元參

二錢

麥冬

三錢  
去心

流水煎至米熟取大半盃熱服

人參白虎加元麥湯 治太陽經罷氣虛煩渴

石膏

三錢 煨

知母

錢半 酒炒

炙草

一錢

粳米

一撮

人參

一錢

元參

二錢

麥冬

三錢 去心

流水煎至米熟取大半盃熱服

陽明經

目痛鼻耳

陽明以燥金主令足陽明以戊土而化氣於燥金太陰勝則陽明化氣而為濕陽明勝則太陰化氣而為燥故陽明之經易于病燥冬水失藏相火升胃津耗脾精亦亡太陰之濕久化陽明之燥春夏感病衛陽遏閉營熱鬱發土焦金燥燥氣愈盛其經挾臭絡目行身之前故目痛鼻乾而身熱不卧陽莫勝于陽明燥熱在經不得泄越遲則胃府

積熱藏陰漸枯便伏異日危機於其府熱未動之時涼泄  
經絡以清其熱則後患絕矣素雪丹主之

素雪丹 治陽明身熱目痛鼻乾不卧胸煩口渴

浮萍 三錢

石膏

二錢

麥冬

二錢

元參

二錢

葛根

二錢

丹皮

二錢

白芍

一錢

生姜

三錢

甘草

一錢

流水三盞粳米一撮煎大半盃去渣熱服覆衣取少汗  
嘔者加製半夏二錢

瘟病方傳陽明之經府熱未作法宜清熱而發表熱甚者  
必傷肺氣當用人參自虎湯清金泄熱益氣生津乃為妙

善人參白虎湯見前

目痛鼻乾嘔吐泄利

三陽之經陽明爲盛足陽明從燥金化氣太陽表邪不解經熱內傳火性就燥必入陽明陰盛于裡而陽盛于表府燥未作經燥先動胆木逆行而賊胃土胃氣壅遏不能容受故嘔吐而泄利緣經邪鬱迫其虛氣故也

浮萍葛根湯 治陽明經證目痛鼻乾煩渴不卧

浮萍 三錢 葛根 二錢 石膏 二錢 元參 二錢 甘草 一錢

生薑 三錢 流水煎大半盃熱服

浮萍葛根芍藥湯 治陽明經泄瀉

浮萍 三錢 葛根 三錢 石膏 二錢 元參 二錢 甘草 一錢

芍藥 二錢 流水煎大半盃熱服

浮萍葛根半夏湯 治陽明經嘔吐

浮萍 三錢 葛根 二錢 石膏 二錢 元參 一錢 芍藥 一錢

生薑 三錢 半夏 二錢 甘草 五分 流水煎大半盃熱服

陽明府證 汗出潮熱譫語腹滿便秘

病傳陽明經不得汗解府陽素旺之人以經熱鬱蒸而府熱內作開其皮毛則見大汗淋漓第汗愈泄而土愈焦燥

愈增而熱愈盛每申酉之交應時發熱如潮汐不爽是謂潮熱燥土消燦心液故譫語燥矢壅遏腑氣故滿痛遲則藏陰耗亡營氣鬱陷生死攸關不可不急下也泄以大小承氣而加養陰涼血之味臟陰續復營衛外達矣。

調胃承氣加芍藥地黃湯

大黃二錢 甘草一錢 芒硝一錢 芍藥二錢 生地五錢

流水煎一盃去渣入芒硝火化溫服

小承氣加芍藥地黃湯

大黃二錢 厚朴一錢半 枳實一錢 芍藥二錢 生地六錢

流水煎一盃溫服

大承氣加芍藥地黃湯

大黃

二錢

芒硝

一錢

厚朴

錢半炒

枳實

一錢炒

芍藥

二錢

生地

六錢

流水煎一盃去渣入芒硝火化溫服不下再服

少陽經

脇痛耳聾

少陽經以相火主令足少陽以甲木而化氣於相火順則

下蟄而溫腎水逆則上炎而刑肺金故少陽經最易病火

痘病寒水失藏相火炎蒸已旺於衰廢之時春夏感病衛



閉營熱盛火發勢富得令之候愈極重赫彼少陽傷寒  
二陽在表三陰在裏陽盛則熱陰盛則寒少陽居表裏之  
半是以往來寒熱至於瘟病三陰經氣從陽化熱故但熱  
而無寒也其經自頭下項絡耳循脇行身之則故胸脇痛  
而耳聾火曰炎上炎上作苦故咽乾而口苦相火內鬱則  
刑肺金甲木內鬱則克胃土外無泄路勢必焦土流金而  
入陽明豈以清涼和解之法散其炎烈紅雨丹主之

紅雨丹 治少陽胸脇疼耳聾口苦咽乾

柴胡 二錢  
黃芩 一錢  
芍藥 一錢

甘草 一錢

丹皮

一錢

元參

錢半

生薑

二錢

流水煎大半盃熱服

復衣取微汗

三陽經絡皆受其病而未入於府者法應汗之但瘟疫  
災傷寒傷風寒暄異氣不宜麻桂辛溫滋以清潤之劑涼  
泄經絡燥熱方是瘟疫汗法其傷在衛氣而病在營血  
營鬱熱發故用丹皮芍藥泄熱而涼營也

日眩耳聾口苦咽乾胸痛脇痞嘔吐泄利

瘟疫陽明經熱不解則入少陽之經少陽在三陽之裏三  
陰之表陰盛則傳太陰之藏陽盛則傳陽明之府少陽者

入府入藏之門戶瘟疫營衛熱盛火旺木枯故但傳胃府而鮮入脾藏傳胃則木邪逼土府氣鬱遏而生吐利是宜清散邪杜其入府之路也

小柴胡加花粉芍藥湯 治少陽經日眩耳聾口苦咽乾胸痛

柴胡 三錢 黃芩 二錢 半夏 錢半 甘草 一錢 生薑 二錢

芍藥 三錢 天花粉 二錢 流水煎大半盃熱

服覆不於微汗

大柴胡加元參地黃湯 治少陽經傳陽明胃府嘔吐泄

和

柴胡 三錢 黃芩 一錢 半夏 二錢 芍藥 二錢 枳實 一錢

大黃 二錢 生薑 二錢 大棗 二枚 元參 一錢 生地 二錢

流水煎大半盃溫服

三陽傳胃

瘟病經熱不解外泄無路斷無但在經絡不傳胃腑之理此自然之層次則宜用攻泄蓋胃土燥熱必燥藏陰其肺脾肝腎精液久爲相火煎熬益以燥熱燔蒸藏陰必至枯竭是當滋其藏陰泄其府熱勿令陽亢而陰亡也白英丹

主之

白英丹 治陽明府病。譫語腹滿潮熱作渴。

大黃 三錢 芒硝 一錢 炙草 一錢 枳實 一錢 厚朴 錢半 姜

元參 二錢 麥冬 四錢 丹皮 二錢 芍藥 二錢 生地 三錢

去心

流水煎大半盃熱服

陽明戊土位居三陽之長陽盛之極必皆歸宿陽明而人胃府瘟疫三陰藏病悉以胃熱爲之根本雖曰五藏六府皆受病而陽明胃府實其綱領也其裏熱發作不拘在何藏府總以泄胃爲主而兼清本部但腸胃未至

燥結則第滋藏陰不須承氣卽燥結未甚亦當俟之經  
盡之後府邪內實始用泄熱滋陰之法一下而清矣若  
燥熱隆盛則不拘日數俱可泄下是當用傷寒急下之  
法不可循傷寒緩攻之條以其內熱鬱伏原與傷寒不  
同也

三陽傳胃發斑

瘟疫三陽經病營衛熱盛勢必內傳胃府胃陽素旺燥熱  
感發經府同氣表裏俱病府熱內逼而藏陰消慄過經不  
解則危瘟疫所最忌者營熱不能外泄益以衛盛而營衰

脾陰虛而胃陽旺也若脾陰不衰胃陽不旺六經既遍邪欲內傳而藏氣扞格外禦經邪熱無內陷之隙則蒸泄皮毛發爲斑點而病輕矣若一入胃府府陽日盛則藏陰日枯不得不用泄法緩則泄於經盡之後急則泄於經盡之前府熱一清則經熱外達而紅斑發矣

太陰經 腹滿噎乾

太陰以濕土主令手太陰以辛金而化氣於濕土陽明盛則太陰化氣而爲燥太陰盛則陽明化氣而爲濕故百病之在太陰皆是濕而惟溫病之在太陰則化濕爲燥以其

冬水失藏相火泄而脾陰燥春夏感病營衛熱旺濕氣自  
當愈耗其經自足走胸行身之前布胃絡盛故病傳太陰  
則腹滿而盛乾太陰之濕奪於陽明之燥燥亢濕枯必死  
是宜清散皮毛泄陽明之燥而滋太陰之濕也黃酥丹主  
之黃酥丹 治太陰腹滿盛乾發熱作渴

浮萍 三錢

生地 四錢

炙草 一錢

丹皮 二錢

芍藥 二錢  
酒洗

生薑 三錢

三錢

流水煎大半盃熱服

一方去芍藥加棗

名浮萍地黃湯治同

少陰經

乾燥發渴



少陰以君火主令足少陰以癸水而化氣於君火陽盛則  
丁火司權而化熱陰盛則癸水違令而生寒故百病之在  
少陰多是寒而惟溫病之在少陰則化寒爲熱以其冬不  
藏精水虧火泄春夏感病更值火旺水虛之候其經貫腎  
絡肺而繫舌本故口燥舌乾而渴腎者主水人身水火對  
列水枯而火亢則人亡矣是宜消散皮毛泄君火之亢而  
益腎水之枯也紫玉丹主之

紫玉丹 治少陰口燥舌乾發熱作渴

浮萍 三錢 生地 四錢 知母 二錢 元參 三錢 麥冬 一錢

酒洗

天冬二錢 生薑三錢

流水煎大半盃執服覆衣一

方加丹皮花粉去知母甘草名浮萍天冬湯治同

厥陰經 煩滿囊縮

厥陰以風木主令手厥陰以相火而化氣於風木治則木達而化溫病則火鬱而生熱以厥陰乙木原胎丁火故厥陰之經最易病熱瘟病衛閉而遏營血管鬱是以發熱而營藏於肝方隆冬火泄營血已傷騰沸春夏感病衛閉營遏血熱更劇其經自足走胸行身之側循陰器而絡於肝故煩滿而囊縮手厥陰之火屬以足厥陰之風風烈火炎

煎迫營血枯槁命殞是宜清散皮毛泄相火之炎而滋風木之燥也蒼霖丹王之

蒼霖丹 治厥陰煩滿裏縮發熱作渴

浮萍二錢 生地四錢 芍藥二錢 當歸二錢 丹皮二錢

甘草錢五 生薑二錢 流水煎大半盃熱服覆衣取汗

厥陰發斑

瘟病傳至厥陰邪熱甚若木榮血暢經藏潤澤營熱不能內傳六經既徧別無出路則鬱極外發而見紅斑若營虛不能透發過時斑見而色帶紫黑營血敗傷多至不救

是宜解表涼血使其營熱發達亦蒼霖丹主之

吳又可用達原飲治瘟疫善矣但痘之愈終由汗解往  
往有下後而仍自解以汗者是瘟疫之需汗也恐急矣  
回思能發瘟疫之汗者莫過於浮萍其性涼散入肺經  
達皮膚發汗甚於麻黃本草載之詳矣間嘗以之治瘟  
疫輒效後又質諸北海老醫黃玉楸頗與余意合用之  
數年歷有成效始敢筆之於書并添三陰經治法以補  
又可之所未及第醫者意也茲不過規矩馬已耳但有  
是方未必有是病神而明之則又在存乎其人矣

瘟疫雜症治畧

蓋聞祖舉其凡曰畧瘟疫中雜症亦復不少而畧之可乎是雖有說焉吳又可瘟疫論中已言者不載傷寒雜症門中治法可以裁取通融者不載未曾經驗與勦襲他人者不載除此四者雖欲不畧而不能矣葢未敢師心也無庸多贅也若諱言畧而詳之是爲畫蛇添足

衄血

衄血症治多端傷寒書中亦詳哉其言之矣瘟疫衄血治法凡可以取用傷寒門者皆不採入茲第論汗散一條仲

景治太陽風寒在表而致衄者用麻桂以汗之然又論曰  
衄家不可發汗二者似乎相反而海藏解之則謂衄家不  
可發汗者蓋爲脉微也若脉不微而浮緊浮緩者又當發  
散之矣蓋衄家之發散散其經中之邪使不得擁盛於經  
迫而妄行是麻桂原非止衄之藥而其邪得散則不治衄  
而衄自止矣至於瘟邪在表而致衄者不唯麻桂不可服  
卽蘇芷防風亦無所可用羌柴性升衄時似亦不宜唯服  
菜糖飲前見往往取效或加鮮薑數片紅棗數枚去更妙蓋  
菜豆清涼而非苦寒之品洋糖發散而無升舉之虞再加

姜棗以調和營衛而表豈有不解者哉且散而不升而亦豈有稍<sup>防</sup>于衄者哉或服不卽汗于煮豆時再加浮萍三錢

吐血

衄出于肺行清道吐出于胃行濁道衄血之熱在經主表吐血之熱在腑主裡血之存於胃中者爲守營之血守而不走諸陽受熱當汗不汗熱毒深入於中其血爲火所逼而土逆隨從肺竅出於咽而爲吐矣亦有蓄血上焦而吐者蓋痰也此始終一於爲熱實者犀角地黄湯稍虛者黃芩芍藥等湯加減出入便可奏效仲景治壞病篇麻黃升

起青文有  
交彩

麻湯雖治陰陽錯雜之唾血但不善用之反致害事至金匱之升麻驚甲湯雖李彭云此方治疫癘時症但亦用升麻似非吐血者所宜愚意凡吐血衄等症藥性之升者總在所禁也

蓄血

血症應分爲三等衄唾吐嘔爲上部血結胸爲中部蓄血下焦爲下部夫血何以能蓄也吳氏曰病在太陽當汗不汗則淤血在裡必血結也活人云失汗而熱蓄在裡熱化爲血其人善忘而如狂血上逆則善忘血下蓄則內急吳

此段決曰  
化爲血其  
言不妄



劉南瑛曰  
雖字乃類  
字之訛  
同硬坊本  
陸往往作  
殺字非是

又可口瘡疫失下邪熱久羈不泄血爲熱搏留於經絡敗  
爲紫血溢於腸胃腐爲黑血便色如漆大便反易合此三  
說而蓄血之義始盡蓋病在太陽失汗熱蘊于中血爲熱  
所搏始留經絡繼溢腸胃則當下矣斯時又失于下邪熱  
久羈不泄瘀于下焦故少腹鞕滿急脹皮見青紫筋則蓄  
血之症成矣其見症則有喜忘如狂發狂小便自利

大便色黑譫妄燥渴脉沉實結皆蓄血之候醫者診視便

當揣其少腹鞕滿而痛卽問其小便若小便不利是津液

留結可利小便

此屑倍

若小便自利者卽是蓄血矣若太陽

病有熱結膀胱

太陽本經

而如狂者症之輕者也宜桃仁承氣

湯

此層又陪

若陽明病有蓄血而喜忘者病之甚者也抵當湯

難用可代以承氣之類加桃仁紅花歸尾等破血之物或兼虛者以玉燭散之類下之則蓄血去而病痊矣。

上所言者道其常也余有一孫名河方十四五歲感瘟疫廿餘日不解診其脉空虛而弱不任尋按亦并無喜忘如狂等症但終日昏睡不清醒按其腹雖覺微痛亦無鞭滿急脹等候醫有議補者余力持其不可伊時余方料理兒病未暇及孫亦未服藥靜候數日突欲大便隨下紫血數

斗顛然清醒此時方知其爲蓄血若當時一用補劑則立  
斃矣足見治瘟疫者只知其常而不知其變猶作文看書  
之死於句下也可不慎哉筆之以俟高明者

# 班疹

班疹二字非以色言以形言也故發班有紅紫黑色之殊而皆以班名點與皮平絕不高起其曰蚊迹者狀紅班之成點者也曰錦紋者狀紅班之成片者也疹則其形高出皮膚之上大者若北方之高糧米小者若小米亦有紅紫二色而黑者殊少較之發班稍輕又有白疹發於衛分形如莧種色白破之中有清水凡發此者最吉是邪從疹散也班疹形色已盡於斯先以班論總因邪毒不解留於血分所致如當汗不汗則表邪不解當下不下則裡邪不解

下之早則邪陷不解當清不清則火盛不解當補不補則

無力不解

瘟疫少見

或陽症而誤溫補則陽亢不解陰症而誤

寒涼則陰凝不解

瘟疫無此

不解則直入陰分鬱而成熱以致

液涸血枯而發乃營衛俱劇之症凡汗下溫清俱不解及

足冷耳聾煩悶欬嘔者便是發斑之候鮮紅者吉紫者五

死一生黑則十死一生並忌稠密成片凡斑既出脉洪數

有力身溫足暖者易治脉沉小足冷元氣弱者難治凡已

出未出時切忌妄投寒劑并忌飲冷恐傷胃氣作嘔吐又

已審臭薰觸爻不可妄發汗妄攻下虛其表裡之氣其害

此段言用犀角地黃湯以清熱解毒

尤甚若脈弱者或先有房事要在審問之凡治瘟疫必細審人之虛實症之表裡脈之有神無神爲要吳又可發斑條祇有下之一法奚足以盡其變哉 成氏言發斑者戒發汗而張景岳則以邪自外入者仍自內出凡脈數無汗表症俱在者必須仍從汗解以犀角地黃湯爲治斑要藥而以成氏不可汗之說爲非愚意成氏之所謂不可汗者指麻桂紫蘇而言非指犀角地黃湯也

### 發黃

瘟疫發黃唯陽明與太陰兩經有之黃者土之正色二經

俱屬土故發黃蓋外不能汗內不得小便脾胃之土爲熱所蒸如合麵然故發外爲黃若小便利則熱不內蓄故不能變黃其有別經發黃者亦由脾胃之土受邪也但黃色不一寒濕之黃身如薰黃色暗而不明熱盛之黃如橘色黃枯而明汗出染衣此其辨也而其致黃之由亦不一有蓄血在下焦發黃者有濕熱鬱積於內發黃者有因寒濕發黃者有因下之太過變成陰黃者有不因下而太陰經中去聲濕之陰黃者唯瘟疫之黃止濕熱蓄血兩條瘀熱發黃脈浮滑堅數其症則頭汗際頸而還腹微滿小便不利

而渴者是也。瘀血發黃，脉微而沉，或結。其人如狂。小腹急結，鞭游，小便自利，大便黑者是也。至於發黃而體如蒸，直視，搖頭，鼻出冷氣，環口，鰐里，皆不治。



班黃並發

凡傷寒瘟疫變現諸症相兼者多唯班黃二症少見同時而發者

從兄秉欽病發

黃旋即發班余往診視甚覺駭異以其素虛隨用托理舉班湯茵陳五苓散二方中採擇加減服之班黃並治與可奏效服一劑次早軟汗後班黃並退其病豁然隨名其方曰班黃雙解散茲錄於左以備採擇因擴而充之或班甚而黃輕者則以治班爲重而以治黃爲輕或黃甚而班輕者則以治黃爲重而以治班爲輕又或有先班而後黃者

有先黃而後斑者有發黃而兼發疹者。斑黃之症不一。巧  
妙之治各殊。參伍以盡其變。錯綜以盡其神。左右逢源。是  
在業醫者因時以制宜耳。

斑黃雙解散 自定新方

茵陳

猪苓

茯苓

澤瀉

鹽水少梔  
洗焙

生地

甘草

白芍

當歸

酒洗

善怒

凡病人恒多焦躁。此其常也。唯瘟疫之怒。與凡病之焦躁  
不同。其症或因人語言之稍有拂逆。或細事之偶然不皆。

在平時可以嬉笑處之而茲則入耳便怒不可解心中暗  
惱不休至昏瞶時返將所怒之事從謔語說出而弗自覺  
也又或有靡所觸忤偶憶往事可惱者亦時時發怒能令  
心腹鬱悶脹塞與懊懣相似而實不同蓋懊懣方書中解  
之謂鬱鬱然不舒憤憤然無奈此之煩悶而甚者大也係  
下後之症且無所忤而自生者茲善怒則不論曾否汗下  
日日如斯甚有瘟病已愈而此症仍在者必俟能起坐如  
平時方止將謂此症不由肝胆而肝胆實司怒之經將謂  
其怒盡由肝胆而肝胆不任其疚何者肝胆之瘟邪退而

其怒仍在也。唯投以理氣之劑，而鬱悶稍舒。然雖舒，或有  
所觸，而其病復發矣。有似於陽厥，而又非也。書言陽厥，怒  
病發狂者，因陽氣暴折而難決，故善怒。病名陽厥，蓋陽氣  
暴折，故鬱而多怒。治以鉄落飲，加辰砂，許取金能生水之意。  
且鐵性沉重，最能墜熱開鬱。三夫曰：陽厥者，必有四肢厥逆  
之病，可以厥名。曰怒病發狂者，是狂而不筆於怒矣。而茲則  
不厥不狂，心中暗惱而不自禁也。因名之曰善怒。雖心腹  
鬱結難支，然未見有以此殞命者。唯專治其癰疽愈而怒  
自已矣。或投以鉄落飲，視其兼症而加減出入之，庶可奏效也。

# 狂

狂之爲病有三。而陰症不與焉。經曰。重陽則狂。又曰。邪入於陰則狂。諸經之狂。總陽盛也。一曰發狂。蓋陽明多氣多血。陽邪入胃府。執結不解。因而發狂。其症則妄起行。妄笑。語登高而歌。棄衣而走。踰垣上屋。呼號罵詈。不避親疎。數日不食。皆因陽明邪熱上乘心肺。故令神志昏亂。如此是爲邪熱已極。非竣逐火邪不能自已。故但察其面赤咽痛。潮熱。噎氣。五心煩熱。唇腫。口噤。發黃。脉實。形如醉人。大便秘結。或腹滿而堅。有可攻等症。則宜以大承氣六一順氣。

等湯。涼膈散。消息出入下之。再甚。則爲陽毒。斟酌施治。如無脹滿實堅等症。而惟胃火致然。則但以白虎湯。抽薪飲等。泄去火邪自愈。一曰如狂。或當發不汗。或覆衾不週。而不汗。大陽之邪。無從而出。故隨經入府。小腹鞭滿。小便自利。下焦畜血。經所謂熱結膀胱。其人如狂。是持如狂而未至於狂耳。宜桃仁承氣下之。則愈。一曰火邪驚狂。其或薰熨迫汗。灼艾燒針等治。不如法。令人煩燥起臥不安。是也。此傷寒中事瘟疫門。原無薰灼治法。故無此變症。至於狂亂而兼小便自遺。直視。汗出。輒復熱。不能食。舌捲。囊縮。皆

難治

抽薪飲

黃芩

石斛

木通

炒梔

黃柏

枳壳

洗炒

澤瀉

鹽水炒

甘草

水煎冷服

熱在經絡

者加連翹花粉在血分大小腸者加槐花黃連在陽明  
頭面或煩躁便實者加石膏在下焦加瞿麥車前在陰  
分津液少者加之以生地白芍便結加硝黃

循衣摸床

瘟疫而至循摸勢亦危矣而治之得法亦有生者其一由

陽明裡熱之極者蓋陽明胃也肝有邪熱而移于胃故現

此症胃主四支而風木乃動搖之象是循摸乃肝與胃虛

邪熱所致也脉情者生瀉者死如有下症宜用承氣等湯

其一由用火劫汗而然者小便利者生不利者死

利則肺氣猶降

膀胱猶能化氣而腎水未枯也余曾見一人患瘟疫不時循摸詢之謂曾

用火罐將胃口亂拔冀其作汗變現此症遂用寒涼和解

之藥而愈益未現下症第因火劫所致清之即愈亦有不

因火劫不因吐下後而有是症者總宜清涼和解傷寒書

中亦有指循摸乃虛極而用微補變補者瘟疫未曾經過



譫語譫語

傷寒譫語譫語解者紛紛考其字義譫語者不論寤寐亂言獨語如見鬼狀因胃熱上乘入於心爲熱冒則神識昏亂錯妄如此俗謂之說胡話者是也熱之輕者也甚則狂語不休罵詈喊叫昏不識人而熱則深矣譫語者乃合目自言寤而自止較之譫語則更輕矣此譫譫二字之分也譫語向入陽明門以余之所閱歷三陽皆有而陽明居多耳亦有初得病而卽譫語者更兼昏不識人及不能食其必重若無此症或睡則譫語而寤則清醒或寤時偶爲

證語而有時止歇其病則輕矣。證證之田又自不同。有邪在表者。有邪入裡者。有邪在半表半裡者。有表虛裡實者。有汗後者。有下後者。有盲血者。有燥屎者。有邪入心經者。有合病併病者。有過經者。有亡陽者。當察其兼症與脈與色與聲與人之虛實。始相其病情也。此專講邪熱之症。亦間有汗下後用補者而陰寒不在此例也。脈和易愈。短則死。身微熱。脈浮大洪者生。逆冷。脈沉微弱細急者死。或氣上逆而喘滿。或氣下奪而自利。皆爲逆後。

二便不通

二便雖出于二腸莫非皆腎之開竅也有因熱結大小腸以致津液不行熱無以泄者由此而譫妄發狂發黃發斑等症隨焉室苦寒下之有因過汗亡陰熱耗津液以致小便秘澀而大便燥結者宜潤劑通之若止小便閉者行大便則小便通徒利小便無益可者瘟疫利小水與邪熱由之而泄但利之太過反致大便燥結者有之不可不知

### 休息瀉

自古痢以休息名罕聞瀉而休息者也有之自余閱歷始此則不係之以瘟而係之以疫矣蓋因發時無少長皆同

也其病自長夏至秋皆有且有自夏徂秋而不愈者始終  
并無瘟疫表裡等症有兼脹者有不脹者食則不減而最  
惡飲水意其爲濕也而其時甚旱經歲不雨不知濕從何  
來瀉時日數十行不治終不逮止長夏炎熱燥石流金投  
以健脾溫補之藥始痊閱數日而復作矣間或痊可再閱  
數日而又作矣纏綿不已有至數月者詢其復作之由半  
因吃生冷與飽食所致戒以只食七八分同煎藥月餘則  
不復作患此絕少不起者然病體支離莫

不利

卽泄瀉

瘟疫而見下利病亦不輕矣人抵屬寒者三熱者七濕見其僅見者也而吳又可瘟疫論中協熱下利等說單以上論不亦偏乎第瘟疫下利之屬寒者輕淺自不得與冬日感寒與直中陰經者同日而語也其屬寒者有三一則感原無大熱之瘟疫而過用涼藥因致瘟不除而瀉又作此時宜舍病治藥只得先溫其裡裡溫瀉止而瘟疫不除也再解其表瘟疫原無汗法斯時仍用和解疏利視其邪在表經細心施治治之而邪仍不解必其先此下利時有傷元氣陰虧營枯不能作汗此時又宜平補滋陰用熟地當

歸白芍炙草再佐以白朮山藥蓮肉氣滯者加陳皮有寒者加煨薑不寐者加製半夏茯苓神嘔惡者加藿香調理施治則自然汗解而愈矣或見其大便不實恐下利復作於前藥中再重用茯苓製首烏白扁豆等藥消息施治無不獲效一則因大下後而泄瀉者亦因元氣虧損氣血傷敗或宜健脾或宜補腎或宜補氣血或宜淡滲或宜固瀉視其病之輕重人之虛實而調治之一則有不因服涼藥與攻下而自利者或因歲氣之偏時氣之戾司天在泉之殊致飢饉旱澇之觸忤感而成病初覺亦頭痛身痛身熱發

熱自汗微惡寒繼則突然泄瀉却無譫語鄭聲冒舌胎  
燥渴斑黃等症其脈既不洪數亦不細微投以達原飲而  
利益甚投以元霜素雪等丹而利不除此症原無大熱乃  
瘟疫中之變局問其渴則惡飲水視其舌并無黃胎知其  
非熱利無疑總以健脾補腎爲主而以利水佐之此之補  
腎却不用熟地又恐其滑腸尤忌當歸唯用太首烏菟絲  
出藥茯苓白朮蒼朮白扁豆人參陳皮炙草等藥消息施  
治此時反以下利爲本而瘟疫爲標蓋泄瀉不止則元氣  
日虧表邪益不能解若下利止縱有表邪再於補藥中帶

和解施治况經此大泄瘟邪亦不能逗留矣再者下利雖有表症不可發汗恐走津液而胃益虛必成脹滿當先治利利止內實正氣復邪自解得微汗而愈蓋下利爲內虛若發其汗則內外皆虛變症出矣仲景傷寒論三陽合病皆能自利有發表和解攻裡之殊瘟病原無發表之說至於攻裡則用涼藥夫涼所以除熱也則試言下利之屬熱者熱下利必有兼症或有口苦咽乾唇焦舌燥謔語煩渴尿赤目赤潮熱等症則或用寒涼或用攻下通因通用在所必施摠之下利不過寒熱兩端視其兼症較若列眉



其因於寒者口無燥渴甚則惡飲水惡寒小便青曰臍下

多寒身雖熱手足逆冷此症寒熱皆有糞色白或淡黃完谷不化

有如鶩溇澄澈清冷腥臭脉不洪硬且無力至於蹇卧閉

目向壁卧引衣自蓋出言微細不欲見明面如刀刮等症

則係冬月嚴寒直中陰經之候瘟疫下利雖寒亦無此矣

其因於熱者發熱煩燥欲飲水口燥渴小便黃赤寒症更有

兼瀉而不利寒症則無臍下熱泄出作聲所下如垢膩奇臭其

色青黃赤醬色黑色後重得涼藥則止得熱藥則增其脉

則洪數浮滑弦大盛強以此辨寒熱萬不失一治各不同

醫者宜審

# 頭汗

頭汗總爲邪熱上壅而陽氣內脫者間或有之頭爲諸陽之會三陰經不上頭故無頭汗所以頭汗屬陽經凡遍身有汗謂之熱越若熱不得越而上蒸陽分陽氣上冲津液上凑故但頭汗出也其兼症如太陽之熱結在裡陽明之被火劫與和在半表半裡之往來寒熱及熱入血室與虛煩水結胸發黃蓄血等症俱是熱不得越治法或散或和解或清或下除其邪而病自愈至氣脫頭汗則多以妄下傷陰或尅伐太過或泄瀉不止以致陰竭于下陽脫于上

小水不通而上見頭汗則大危矣。○活人以頭汗出者慎  
下而張景岳治頭汗條有用承氣者始聞之疑其相背細  
看始知其皆是也。活人之慎下指五臟乾枯胞中空虛津  
液少者而言景岳則以便結腹脹痛而頭汗者宜承氣以  
下之也。視頭汗之兼症而下與否殊施耳。至于有表邪脉  
緊數而頭汗當散者宜小柴胡及諸柴胡飲。見景岳金書  
新方散陣中  
有火邪脉洪滑內多煩熱而頭汗當清者宜白虎湯益元  
散之類此治頭汗之大慨也。

盜汗

睡則衛氣行於裡內有伏熱其在表之陽氣不密故浮注  
得泄熱蒸于外腠裡開而盜汗出醒則氣行于表而盜汗  
止矣雜病盜汗責在陰虛瘟疫盜汗總邪在三陽所致三  
陽經俱有盜汗而邪在半表半裡者居多故總以和解爲  
治觀仲景論三陽合病之盜汗而歸重于但欲眠睡熱在  
胆經可知矣小柴胡湯主之

### 自汗

衛氣護衛皮毛禁固津液不得妄泄邪氣干之則不能固  
衛于外由是津液妄泄而自汗出焉瘟疫之自汗與他症

異多有感而卽患自汗者則自汗竟屬瘟疫中常事較之  
頭汗盜汗等反輕矣當專治瘟疫邪退而汗自止但亦有  
表裡虛實之異有邪在經而汗在皮毛者非真汗也有汗  
後邪雖稍減猶未盡痊者又未可因汗而謂其必無表邪  
也須因脉症而詳察之其在表者當于達原飲中加三陽  
經表藥以疎利和解之在裡者下之瀉之清之至于雜症  
亦多有自汗者各有本門茲不贅汗下後虛極表邪盡去  
而自汗者方可用補稍有表邪輒誤補則大害

無聲

秉綱齋

方書多將失音與不能言合爲一症豈知失音者舌仍能轉運而喉中則寂然無聲也不能言者或舌強不能轉運或喉中格格難出而其聲自在也余以無聲解之自難與不能言者混呼矣瘟病無聲十不救一所謂此病暗啞不言三四日不得汗出者死也此症總由瘟邪入臟熱氣衝塞燔灼所致然析之仍有數條有因邪熱衝心心氣耗損而然者宜清心降火用生地麥冬川貝花粉連翹竹瀝天竹黃竹葉黃連犀角之屬有因火燄肺金不能宣布者宜

清。肺降火用黃芩、川貝、牛子、梔子、柿霜之屬。有因熱痰壅塞而氣閉者，宜清痰降火。清痰則川貝、葶仁、胆星之屬降火，則診視其火在何經，擇用本經涼藥，并加二片經化痰之品，而兼用枳壳、陳皮、橘紅、佛手、中枯、花之劑。

有因失去此散，邪伏肺中者，當解散之。蓋肺形如鐘，懸而叩之則鳴，吟之聲言實以泥土斷無鳴理。則之窒塞亦猶是枳火窒，既散問亦靈而響發矣。宜前胡、防風、水萍、蘇葉、桑白，不得皮、炎皮生至京日之屬。

此症係大人之



者此皆失音之類也至於不能言亦有數條有因風熱盛

盛咳嗽聲啞者以消風降痰之劑給之用前胡防風陳皮

羌鈴薑虫之屬此症之最輕者又有太陽發汗兄身中灼

熱名風在肝寸尺其脉自汗身重多眠鼻黑語言難於宜

菱藶湯又有狐惑症唇上生瘡爛乾聲啞者又有大寒症

咽中生瘡者又瘧症口噤不能言者當於傷寒與前症門

中求之是皆不能言之類也又經曰人之猝有暴工而言

無音者何道之故曰會厭者音聲之戶也

水厭乃氣聲之亦以掩飲食使

不錯入寒氣客於厭則厭不能發發不能下至其開闔不

致故無音云云此又以寒客經絡而致不語者亦無灼入  
經絡亦或有此理然不經見姑筆之以俟高明者

二瀝湯

竹瀝

荊瀝

梨汁

如無梨汁卽以西瓜汁代之如無荊瀝止用之以高者  
等分和勻病急不拘時服此治瘥後失亦勻有理言取  
之總說

囊縮

囊縮爲足肥陰肝經受病因熱極筋枯而燥縮也以背其

大小便結發熱引飲者急用大承氣下之若無下症而脈浮者宜浮緩者宜和六七日脈微浮微緩是有胃氣胃不受邪將作寒熱則大汗解矣陰症而囊縮者不在此例

### 結胸

吳又可瘟疫論中止有胸脇腹滿一症而抑知結胸痞氣瘟疫中皆有之且不因誤下而成者更多也論曰太陽病表未解醫反下之膈內拒痛心下因鞭則爲結胸又曰從心下至少腹鞭滿而痛不可近爲結胸皆大陷胸湯主之夫曰膈內拒痛是胸脇間事曰心下鞭則兼胃之上脘而

言也曰從心下至少腹則又兼滿腹而言矣蓋表邪傳裡必漸而傳至心腹耳第大結胸最重小結胸次之痞氣則又其次矣經又曰病發於陽而反下之熱入因作結胸病發於陰而反下之因作痞而成氏釋曰發熱惡寒發於陽無熱惡寒發於陰夫無熱無寒似指寒邪直中陰經之症隨來陶張二氏之駁駁之誠是也而陰陽二字總未得真解故有謂傷風屬陽而傷寒屬陰者有謂在表屬陽在裡屬陰者紛紛聚訟隨成千古之疑 愚意以爲何必儘推敲陰陽二字於閒處錯意不論大結胸以及痞氣交結

傷寒本  
病至所

皆屬於鬱鬱而末有不結者總開鬱爲主而痞結自散  
矣又當審其兼證診其脈理氣暑者順之調之血鬱者行  
之破之痰鬱者化之吐之表鬱自散之和之裡鬱者攻之  
下之熱鬱者清之寒鬱者溫之

溫疫無寒或過服  
承涼藥或汗下後食鬱者

消之水鬱者利之而治痞結之貳事盡矣至於仲景用大  
陷胸湯治誤下之結胸想古人所秉者厚故誤下而復用  
陷胸不至爲害至陶氏則心知其未穩故有上焦乃清道  
至高之分過下則傷元氣之論然尚未敢深駁唯張景岳  
則云傷寒本病有不因誤下而實邪傳裡心下鞭滿痛連

並句作  
氣韻

少腹而不可近者此大陷胸湯所宜也至於太陽少陽表邪未解因下早而成結胸者若再用大陷胸是既因誤下而復下之可乎不若以痞滿門諸法酌輕重而從雙解或用蔥熨法以解散胸中實邪此余屢用而屢效等語雖大翻仲景之案然明白洞達有至理存焉真長沙之功臣結胸之寶筏最穩最捷者也且外熨法不特治結胸爲然遇瘟疫用藥弗效俟六七日應汗不汗之期覺心腹稍有痞悶疼痛用蔥熨法見前往往大汗而解至于陷胸等湯一概不錄

# 呃逆

瘟疫呃逆不止者大是凶候余在長安治賀永部蓮友患  
瘟疫發黃而兼呃逆用承氣輩加茵陳與服大便秘行而黃漸  
退唯呃逆不止更兼喘而痰壅衆皆謂不治適得鮮花粉  
數枚大如臂搗爛少加水濾汁數碗外用前胡枳壳橘紅  
香圓柿蒂煎出兌花粉汁頻服一晝夜服盡呃逆稍止瞬  
息復作又令其仍將前藥再作一劑入碗內用箸一雙十  
字加於碗上令病者自持碗于箸之四空處每空吸藥一  
口圓轉疾次吸之持碗不得換手一順吸去

此法常飲水  
治呃良方以

以之服藥 服後覺漸輕然時作止又遲二三日始愈若設  
與其獲效 之不治不幾誤人性命乎再者瘟疫打呃皆熱症下香四  
逆輦斷不可用。

### 搖頭

頭爲諸陽之會陽脉有乘則頭爲之動搖經曰諸風掉眩  
皆屬肝木多因風火土乘所致風木動搖之象也古人治  
此有灸百會風府等穴者五終不以爲然頭之所以搖以  
熱極生風故耳清其邪熱其搖自定何必用火攻耶又有  
心絕而搖頭者心絕則神去而陰竭陽獨無根不能自主



所以搖頭

癰瘰

音熾縱癰與瘰字異瘰音記狂也瘰荷日瘰荷

筋急而縮爲癰筋緩而伸爲瘰或縮或伸而不止者爲癰  
瘰與小兒之發搐相似亦有嘴眼歪邪角弓反張有類於  
發瘰與中風者皆癰瘰之類此症多屬於風風主動搖也  
而致此之由不一有瘟病熱極而生風者有其人本虛因  
汗下後血虛而然者有因汗後冒風而然者有汗下後因  
驚惱而然者有風溫被火而然者此症絕少大抵此症熱極生  
風只一條而虛者有數端虛者役以寒劑立見危殆若未

經汗下。只因風火相扇者。當平肝。和降心火。佐以和血之藥。益心。厲火主脉。肝厲木主筋。火爲熱。木生風。故耳。藥則用羌活。防風。全蝎。殭蚕。柴胡。天麻。生地。麥冬。白芍。丹皮。當歸。川芎之類。如熱甚。黃連。梔子。胆草。黃芩。俱可酌用。有痰者。加葶仁。胆星。竹瀝。若汗下後。稍涉虛弱。或冒風。或因驚。因氣惱。而率從者。斷不可用寒劑。養血祛風湯主之。至於汗下後。多日傳變。而爲癰。癰。以及出汗。露風。汗出不透。與被火劫等。癰。癰。俱載傷寒門中。茲不贅。

養血祛風湯

自定  
斬方

熟地

當歸

酒洗

白芍

酒炒

川芎

酒洗

半夏

製

僵蚕

炮去涎焙

天麻

酒蒸

生薑大棗為引

若虛甚者加人參有風者酌加羌活白芷柴胡防風

### 渴

瘟疫鮮有不渴者故弗可以不講也邪在表則不渴在裡

則渴三陽雖亦有渴症但不如三陰之甚也故太陰腹滿

噤乾少陰口躁舌乾而渴厥陰則消渴矣

飲水多而小便少熱能消水故

也瘟疫之渴一于為熱初傳則熱微而渴微傳深則熱甚

而渴甚但有不見兼症而獨渴者施治當先問其所飲

欲冷。欲熱。欲多。欲寡。

飲多欲令屬熱

更須審其表裡經臟曾否汗

下。於瘟疫初起及十傳與六經治法中細尋症脉斟酌用

藥。第治其盛邪而渴。自除矣。倘不應當於傷寒發渴條中

採取施治所最要者飲水。常使不足。毋令有餘。不甚渴而

多飲則悸動支結喘咳餒

同噎

噎腫滿泄瀉小便不利諸症

起矣。然又不可禁飲。凡瘟疫有欲愈而思飲者。蓋得水則

能和胃氣而汗解也。禁飲多致悶亂不救。

腹痛

瘟疫雖屬熱症而腹痛則有寒熱之殊。但熱則典常而寒

則其變也寒痛多有所因或服涼藥過多或不宜用涼藥而妄投或妄意大食生冷物或汗下後正氣虛而感寒皆能致痛或因病中惱怒氣滯積食者亦有之無故而痛者絕少卽有之亦必因腹素有積因瘟病而觸發之者也凡腹痛但將凉水與飲而試之若飲水痛稍可者屬熱痛劇者屬寒若繞臍鞭痛大便結實煩滿而渴氣粗噎氣者皆屬燥屎與實熱痛也急用承氣等下之因食積痛者更有惡食惡心噎氣腐臭等症治亦同若小腹鞭痛小水自利大便黑身日黃者屬蓄血亦用寒劑加行血藥下盡黑物

自愈凡實熱痛必脉來沉實有力若微弱者仍當詳審從  
緩治之若飲水愈痛或時綿綿微痛不甚亦不止重按則  
愈腸鳴泄利澄澈清冷口吐苦涎此爲寒痛當用溫藥和  
之和之不已而或四肢厥冷嘔吐瀉利者急用熱藥救之  
瘟病殊少此症如有必但須詳脉之有力無力如腹痛而  
因過服涼藥生冷感寒兼身大發熱惡飲水嘔惡腸鳴如流水聲此表熱邪熱內寒  
也先溫其裡次解其表

短氣

短氣者氣急短促不能相續似非喘似呻吟而無聲也

有實者虛者在表者在裡者水停心下者或失于汗下或汗下後虛極皆能令人短氣補瀉誤用甚於操刀當詳察脈症而治之又有素虛人汗下後失于調補以致忽然似喘出言微弱少氣脈僅二三至沉細如髮甚至無脈此虛極短氣非真喘也急宜溫補緩則不救作喘治必死汗下後過用刻消之劑而見此者治亦同總之短氣者表裡虛實寒熱皆有但虛者較多當合脈與兼症而細察之

### 瘟疫兼暑

瘟疫兼暑最難分辨蓋暑病之在表者有頭痛煩燥肌體

大熱脉浮氣喘口乾面垢自汗手足逆冷名暑厥摘攝名  
暑風昏不知人爲中暑其症最易與瘟疫表症相混暑病  
之在裏者有嘔逆泄瀉心腹痞悶或兼脹痛又最易與瘟  
疫之在裏者相混唯於少氣倦怠大渴三症辨其爲暑第  
瘟疫亦發渴但瘟疫在表雖渴亦不甚必至傳裏方甚至  
暑症不論表裡皆渴而在表時其渴較瘟疫之表者更兇  
猛殊甚也以此爲辨庶得其情如果係瘟疫兼暑症卽當用  
解瘟却暑之劑亦不必拘於日期見表治表見裡治裡又  
宜先治其瘟疫解而暑亦從而退矣馬走行以五瘟丹



治瘟暑但中無治暑之劑不過涼散方亦未盡可用倘遇此症仍當於達原飲中將祛暑之藥加減出入之至於五瘟丹每歲冬間預先修合備用亦可至法暑等方載在暑門茲不贅

瘟症發熱無休時暑症發熱有作止以此爲辨苦應與暑者兼亦難以此作準仍當詳察脉症

瘟疫兼濕

活人曰其人傷濕又中於暑名曰濕溫兩脛逆冷腹滿頭目痛妄言多汗其脉陽浮而弱陰小而急侯苓白朮湯白虎加蒼朮湯切勿發汗之名中暈必死而吳氏引活人書曰宜朮附湯加人參香薷扁豆主之金鑑曰濕病復傷

於濕名曰濕溫其症兩脛逆冷妄言多汗頭痛身重胸滿  
宜白虎加蒼朮茯苓溫濕兩治若脈大有乃自汗煩渴者  
人參白虎湯加白朮主之輕者十味香薷飲清暑益氣湯  
增損用之按古人治法不過如斯但金鑑曰溫病復傷於  
濕曰濕溫而活人則曰傷濕而又中暑曰濕溫味其義意  
當遵金鑑爲是蓋傷濕而又傷暑只可謂之傷暑濕而不  
可謂之濕溫也夫曰濕溫者是濕而兼瘟也或先瘟而中  
濕或先濕而患瘟與暑何涉焉第瘟疫兼濕又最難辨

唯於一身

盡痛極且不能轉側惡飲湯水目中視物皆紅黃身日  
色微黃而無譫妄等症者辨之始得而濕症之中又有濕  
熱寒濕之分總宜白朮茯苓湯濕熱者小便赤澀如馬溺  
渾濁色白且有煩熱大便秘結諸症宜人參白虎湯加白  
朮主之或四苓散大小分清飲茵陳飲之類皆可擇用若  
天久陰雨濕氣過勝其人臍腹虛大便秘滑小便清乃是寒  
濕宜朮附湯但瘟疫發在熱時且兼濕熱者多而兼寒濕  
者少朮附湯不可用若服茯苓白朮

等湯不應則用除濕達原飲分治瘟疫與濕誠一舉而兩得

也北方風高上燥患此者少唯南方水鄉卑濕天氣炎熱  
患者恒多春冬感者恒少而夏秋患者恒多所宜隨其時  
地而變通之至於前所引活人云濕溫切勿發汗而金匱  
要畧則云濕家身煩痛可與麻黃加白朮湯發其汗爲宜  
景岳全書又曰凡濕從外入者汗散之將謂止中濕者宜  
汗而兼溫者不宜汗何以準繩濕溫門中旣引活人云不  
宜汗又引金匱曰宜汗更引成氏云濕家發汗則愈是濕  
溫一門前後又自相矛盾殊不可解愚意瘟疫始終不宜  
發汗雖兼之中濕而尚有瘟疫作祟是又當以瘟疫爲重

而中濕爲輕自不宜發汗當用和緩疎利之法先治其瘟  
俟其自然汗出則濕隨其汗而與瘟并解矣或瘟解而濕  
仍在者當于濕證門中求之故治濕諸方俱不開列

除濕達原飲

自定新方

檳榔 二錢 草果仁

五分

厚朴

一錢薑汁炒

白芍

一錢

甘草 一錢 梔子

五分研

黃柏

五分酒炒

茯苓

三錢

如兼三陽經症仍酌如柴葛羌活瘟而兼濕故去知母

而換黃柏以燥濕且能救水而利膀胱去黃芩換梔子

瀉三焦火而下行利水加茯苓利小便而兼益脾胃三

者備而濕熱除矣再加羌活等藥風藥亦能勝濕濕除  
散一舉兩得 此方分兩不過大概臨症加減用之

石草散

治濕瘟多汗妄言煩渴

石羔

煨

炙草

等分

共末漿水調服二錢

瘟疫兼痢

吳又可用枳芍湯係治瘟疫之裡症而兼痢者若有外症  
仍當解表必如喻嘉言分三次治法始足以盡其變至表  
裡俱病者又當表裡分治總宜治變不可膠執唯松花散  
治瘟毒熱痢頗著奇效末可以易而忽之又按傷寒便膿  
血有誤發淋家汗而然者用偕苓湯有病在少陰者治以

桃花湯諸說於痘痢總不宜用蓋痢由瘟而作者如終一  
於爲熱也唯雜疫中痢疾原無瘟疫之頭痛身熱發熱自  
汗以及心腹痛滿不食譫語等表裡諸症而沿門開戶止  
患痢疾者則有虛實寒熱之殊其治法亦因之各異矣凡  
痢身熱脈大者難治身熱脈小者易治

松花散

治瘟毒熱痢

松花

二三錢

煎薄荷滾湯入蜜調服以愈爲度無不效者

取松花法於四月初看松梢所抽黃穗如麥穗者趁硬  
摘取攤在布被單上晒乾卽有麤落下如蒲黃磁器收

貯伏天必晒否則穿發取黃穗不可早早則嫩而少黃  
麵又不可遲遲則花莖飛而穗成空壳矣看其穗硬而  
帶黃色大如稻粒則取之又松花和入米粉中入白糖  
可蒸糕食甚香美呼爲松花餅

大黃酒

便膿血理急後重  
腹痛晝夜煩不止

大黃

五錢好黃酒一兩盅浸一  
宿次日溫飲

瘟瘧

凡瘧寒熱如期而發餘時脉靜身凉常也以瘧法治之設

傳胃者必現裏症

應下之症

名爲瘟瘧以瘧法治者死當以瘧

疫法治之此症下後裡症除寒熱獨存者是瘟臧瘧在瘧



邪未去者宜踈清脾飲邪去而瘧勢在者宜截不二飲勢在挾虛者宜補四君子湯三方見瘧門不附載

丹蒿散 治瘟瘧不止

黃丹

五錢炒

青蒿

童便浸曬乾二兩爲末

每劑服二錢寒多酒服熱多茶服

鶴齡棗 治瘟疫邪瘧

取紅棗一枚咒曰華表柱一氣念七遍望西北方取氣一口吹棗上令病者吃之

便蜜飲 瘴厲諸瘧無問新久

松峯說瘦

卷之三

三

童便

一盞

白蜜

二匙

共攪去白沫頓服取吐碧綠痰出爲妙

不然終不除

妊娠瘟疫

吳又可治孕婦瘟疫用三承氣與利除害於反掌之間固已但方中定當減去芒硝蓋芒硝乃軟堅之物用之能使胎化爲水倘遇積燥實堅皆俱極數用生大黃而止否則止用熟軍爲妥胎與腸胃絕不相關大黃蕩腸胃而破堅燥未聞能下胞孕者服之何害至云大黃爲安胎之聖藥是專爲裡症應下者言之若邪尚在表者當速散其表邪是使內陷爲上乘也

單胎散 孕婦瘟疫恐傷胎氣

嫩捲荷葉

曬乾宜平時收貯臨時急用則烘乾

五錢

蚌粉

二錢五分

右共爲末每用新汲水入蜜調服三錢再作一劑塗腹

上

又方 井底泥塗足心治孕娠時症令子不安

又方 用竈底中對鍋臍土研細水調服仍塗臍乾再換

塗臍散 井底泥青黛伏龍肝共末調勻塗臍上乾再換

黃豆煎

大黃豆

六十粒

水二盅煎一盅取汗病重再一服

妊娠熱病 車轄脂黃酒和服 青羊屎研爛塗臍安胎

又方

雞子

十枚

納井中令冷取出打破吞之令胎不動一

妊娠時行并感寒

大鯽魚

一尾燒存性研

黃酒沖服如無汗腹

中熱痛醋和服取汗

熱病

葛根汁頻服

### 小兒瘟疫

瘟疫盛行之時小兒如有發熱等症或可斷其爲疫倘瘟疫不行之年而小兒忽感瘟疫於何辨之哉亦辨之於採然身熱而已第傷寒瘟疫皆身熱又當細問乳母曾否突然脫衣洗浴入水當風而寢等事果實無感冒方可向瘟疫上找尋又必驗其有目赤便赤舌乾胎黃黑日晡潮熱諸語斑黃或大便秘結或挾熱下利赤膠等症方可斷其

爲痘疫若妄意雜症爲痘疫則又失之矣。吳又可專言俗醫妄意小兒痘疫爲雜症者是祇見一邇矣。總之辨小兒痘疫是極難的事。

桃葉浴法 桃葉三四兩熬水日五六遍澆淋之再用雄鼠

屎微燒取二枚研水和服

二香散 天行太熱木香末三分檀香末三分清水和服仍用溫水調愈

瘟疫雜症簡方

鼻衄

茅花湯 治衄不止茅花尖一把水三盅煎一盅服

無花根代

止血歌 石榴花辨可以塞蘿白藕汁可以滴火煨龍骨

可以吹 龍骨能治九竅出血 水煎茅花可以吃堵頭蒼蘚可以塞

車前草汁可以滴火燒蓮房可以吹水調鍋煤可以吃

熨法木治衄如湧泉用草紙疊十餘張井水濕透分開髮

貼頂心熨之即止

炒桅吹鼻 山梔炒黑爲末吹鼻外用濕草紙搭於鼻上

卽止成流久不止者方可用此法如點滴不成流者其邪在經未除不必用之

又方 韭汁磨墨服並治吐衄

無華用根

愈後鼻衄不止 用青綿線將兩手中指第一節屈伸處緊扎再用綿紙剪成一二指許寬條疊數十層新汲水濕透搭於兩肩頭上熱則另換又用好黃酒四五盞令兩足浸其中立止

滑石丸 滑石末飯丸梧子大每取十丸微嚼破新汲水送下立止此治衄通劑



薩

椒磬飲

川椒

四十九粒開已

曰凡

少許醋煎服

吐血

生葛汁

取生葛根切碎搗爛少加水滓取汁頻頻飲之

治吐血衄血神效並治陽明瘟熱之毒大效不獨止吐血

逐疫七寶丹

治時疫熱毒口鼻出血等症神效毋以其

易也而忽之兼治諸熱毒并蠱毒

人糞尖

七枚約棗栗大燒紅色

取出即入冷水中研細再頓服

蓄血

生地黄湯 抵當湯丸今總難用以此代之甚覺和平

生地黄 二三錢 乾漆 一錢炒 生藕汁 一小盅如無以大藍葉

錢 半 大黃 一二錢生 桃仁 一錢去 歸尾 二錢 紅花 六分

熱酌用 皮研 酒洗 水與藕汁同煎 原方水蛭蟲更今改用歸尾紅花黃

血有上中下之殊上焦臂中手不可近而痛者犀角地

黃湯中腕手不可近桃仁承氣臍下小腹手不可近抵

當嫌峻猛此湯主之或再加枳實蘇木用者酌之

發斑

黑膏 治瘟毒發 如錦紋 生地黄 二兩 淡豆豉 三兩 以猪

油半斤合煎之至濃泔次入雄黃末五分麝香六分丸  
彈子大白湯化一丸未見效再服

青黛二物湯 通治發斑 青黛水和服

歸葛飲 治陽明溫暑大熱湯 當歸 葛根即者更錄 水

煎冷水浸涼徐服得汗即愈

又方 只用鮮葛根一味剉碎搗汁濾出任意飲大治陽

明瘟疫

玉泉散 治陽明內熱煩渴頭痛二便閉結發斑發黃及  
熱痰喘嗽等症此益元散之變方也其功信之

石膏六兩生用 粉草一兩生用 硃砂三錢 共為細末每酌服一二

三錢新汲水對滾水服

治赤斑方 獨脚烏柏根 研酒服甚效

治出斑方 暑月昏沉未明症候恐是出丹以生黃豆數

顆食之如不覺腥即以生黃豆水研汁一小盅和水服

治發斑因篤 蟬蟬早地中 宜去皮與頭恐有酥生搗食

一二枚效如不效再帶皮與頭搗服

鮎魚頭骨灰散 治傷寒瘟疫癰疹不能發服此即發

鮎魚頭骨虎灰 研細熱黃酒調服二三分

青木香煎 治發斑疹 青木香一兩 水煎服效若腹滿

不得小便用雄黃細末蜜丸棗核大納溺孔中

發斑淫症 目赤鼻張大腸滯身出斑毛髮如銅錢乃熱

毒氣結於下焦也 白礬 消石 各一 共末水三盞

煎減米不住服盡效

麥奴丸

麥奴麥地  
烏微也

治陽毒溫毒熱極發斑爲救急良藥

麥奴 梁上塵 釜底煤 灶突墨 麻黃 黃芩

大黃

朴硝等分

爲末蜜丸彈子大每服一丸水下

發斑赤黑

青木香

一兩 水三盃煎一盃服

斑疹出不快

鈎藤鈎

紫草茸等分未溫黃酒服一錢

發斑取汗

猪胆汁醋

等雞子

二枚合煎服汗出愈

不愈再服

### 發黃

生姜退黃法

生姜

搗

周身擦之即退

又茵陳黃

茵陳煮食生食亦可並治黃

黃賓江方

治發黃目不識人

生葱煨熟去粗皮用心

批汁蘸香油點二目大小皆

劉尚書方

治濕熱發黃昏悶不省死在須臾一白毛烏

骨雞一隻乾掃去毛破開去腸雜搗鋪心頭少傾即活

治發黃法 用麻油半盅水半盅蛋可一枚攪和服

吹鼻法 瘟疫三日外心腹脹滿堅硬手心熱遍身發黃

苦瓜蒂<sup>匕</sup>末以少許吹兩鼻令黃水出餘未水調服

蔓汁<sup>硝蜜飲</sup> 治發黃心狂煩熱 大括<sup>黃的一箇</sup>黃的<sup>新汲水</sup>

淘浸取汁入蜜半合朴硝八分<sup>和令勻</sup>待硝化盡服之

竹麥飲 治黃 竹葉小麥石膏<sup>分兩隨時酌定</sup>水煎細服盡劑

又方 醋浸雞子數枚一宿去壳吞其清

又方 髮灰<sup>燒研</sup>水服口三

狂 凡狂熱不可掩閉牀帳務揭開放入  
反氣病人如覺惡風則不必矣

三白飲

治熱極狂亂及熱不退

鷄子清

枚白蜜

凡生大

者更良

芒硝酌用共和一處再用涼水和服如心不寧加

珍珠末五分

靛青飲

治天行瘟疫時氣熱毒煩躁狂言尚未至發狂

之甚者亦皆可服

靛青

一大匙

以新汲井水和服

獨參丸

治發狂不避水火

苦參

不拘多少

為末蜜丸梧子

大薄荷湯下二錢水亦可

治狂走

雞子壳

出過小雞者

泡滾水服即安

蒲圓丸

治舌黃煩躁狂言發熱

生鷄子吞一二枚



又方 蚯蚓治瘟病大熱狂言蛔糞新汲水和服亦妙

鵲石散 治發狂踰牆上屋 黃連 寒水石 等分爲

末每服二錢濃煎甘草湯候冷調服

鉄胆飲 陽毒狂言 鉄粉一錢 胆草五錢 共末磨

刀水調服二錢小兒五分

元沙丹 治發狂 元明粉二錢 朱砂一錢 共末冷水服

又方 胆草未二錢 雞子清一个 白蜜一匙 凉水化服

黃雪膏 大黃不拘多少炒黃爲末 雪水熬如膏冷水和服亦

治發黃

又方 狂走見鬼

蚯蚓數條去淨泥人尿煮汁飲或生絞汁亦可

又方 治狂走 瓜蒂末井水服一錢取吐即愈

又方 人糞入罐內泥封煨半日蓋地下出火毒研新波水服二三錢未退再服

又方 大熱狂渴 乾陳人糞爲末於陰地淨黃土中作小坑將糞末入坑中新汲水和勻良久澄清細細與飲即解

醋治狂法 陰狂陽狂皆治瘟疫無陰狂 於病人室中生旺

火一盆將好醋一大碗傾於火上病人聞之即安兼燥

渴者人硝半斤於冷水內用青布一塊浸硝水中取出

搭胸上布熱再更換如得睡汗出即愈一法用鏡按如胸上亦得

兼舌出不收將麻黃水洗淨舌用冰片牛黃麝香研末

點舌即收或止用冰片亦可

結胸

苦參飲 滿痛壯熱 苦參一兩醋三盞煎一盞飲取吐

牽白飲 心腹硬痛 牽牛子錢白糖湯調服

地龍飲 按之痛極或通而復結喘促狂亂 生地龍條

洗淨胡入生姜汁少許蜜一匙薄荷汁少許新汲水調如泥

服若執熾加片腦少許服揉心下片時自然汗出而解  
不應再服神效

呃逆

枳香散

枳壳

五錢

木香

一錢

共末滾水調服一錢不應再服

又方

四花青皮

全者末

滾白水服一二錢

又方

黃蠟

燒烟黃二次即止

痢

霜連散

治挾熱下利膿血

百草霜

川連等分共末

黃酒下二錢日三

連梅丸

噤口

川連

五錢

烏梅肉

三錢焙

共末蠟蜜丸桐子

大服二十丸日三

連艾煎

治同上

川連

一錢

熟艾

二錢煎服

豉薤湯

暴痢豉

一薤白兩

一握冬用根

水三盅煮熟納豉更煮

色黑去豉分二服

龍骨湯

毒痢大煩渴作熱三焦瘡腫張口吐舌生瘡不

識人目爛龍骨

半升水一斗煮四升

用器裝臘封固口沉非底過

夜取出徐徐飲

又方 下痢欲死 龍骨半斤 水一斗煮取五升候冷稍

飲得汗愈

煩躁

苦參散 治狂躁並結胃 苦參末 黃酒調服三錢已汗

未汗者皆可服

花粉煎 煩渴花粉煮濃汁飲先以竹瀝和水入銀同煮

取水冷飲然後服花

又方 生藕汁一盞 酌加生蜜和勻細飲

竹瀝飲 煩躁竹瀝微溫時時少飲厚益取汗

又方 治口乾生藕汁生地汁重便各等分和頻飲

浮腫

靖康異人方

靖康二年京師大疫有異人書此方

治瘟疫浮腫亦治大頭瘟

黑豆

二合炒熟

炙草

二寸

水二盅時時呷之

錦

按此卽甘草黑豆湯也古稱大豆解百藥毒甘草

亦解毒之品瘟疫乃毒氣所鍾故用此方取效方用炙

草愚意不如易以生草更妙炙則帶補矣有一人吃

茵垂死用生草半斤黑豆數把濃煎大灌得生足徵

其解毒之功大矣一云冷飲方效

頭面腫 銀花二兩生甘草一兩煎服少加入黃酒亦可

青袋飲 治兩腮腫發頤 青黛五分甘草二錢銀花五錢瓜萸

半水酒煎服

時疾陰腫 囊莖發熱 羊屎 黃柏煮水洗之

咽痛

干脂膏 喉閉腫痛 射干 猪脂各一兩合煎焦去渣

冷噙化棗大

又方 熱病咽痛 含童便即止

噦飲水多者



枇杷茅根煎 枇杷葉去淨毛炙香 茅根各五錢 煎稍稍頻飲

腹脹陰陽不和者

桔梗半夏湯 桔梗 半夏製 陳皮各等分姜煎

心悸脉結代

甘草湯 甘草二兩生 水煎服

已汗不解

新生雞子五枚傾碗內 攪渾以水一升先燒

滾將子投入少納醬啜之汗出愈

熱病生蠱下部有瘡

鹽熨 將鹽熬過候乾包熨三次即愈

天時熱毒攻手足腫痛欲斷

猪蹄湯

猪蹄

一具去毛

葱一握

水煮汁入鹽少許漬之

熱病餘毒

漬方

毒攻手足疼痛欲脫

稻楷

燒灰存性

煮水頻漬患處

豉酒

毒攻手足遍身虛腫

豉

一握微炒

入黃酒中同煎服

又方

治手足腫痛欲斷

掘坑深二尺燒熱灌以黃酒

有熱氣騰出速赤足穿木屐踏坑中坑口用衣密壅毋

令洩氣

又方治同前 黃柏數兩煮水漬之

又方 肢痛欲脫 羊屎燒水漬 瘡乃止或和猪脂塗

諸復

勞復食復欲死 并以蘆根煮濃汁飲 人糞燒灰酒服

勞復 抱出雞卵壳此黃為未熱湯和服取汗即愈

勞復 取頭垢棗核大含之

又方 頭垢燒研丸桐子大水服一丸初愈預防勞復法

勞復食復危篤 蘇葉煎服入生姜淡豉亦可

女勞復卵腫或縮 白朮一分硝三分大麥湯調日三服熱毒

從二便出

又方 腹痛卵腫

葱白

搗醋一盞

和服或酒

又方 卵腫股痛

竹皮

三錢

水煎服亦治勞復

又方 女勞復發動欲死不語

梔子

一二錢炒

煎服令微汗

亦治食復

又方 肚痛卵腫

葱白

搗爛

和熱黃酒服再以葱搗爛炒

熱入醋敷腎囊

陰陽易

少腹急痛

熱酒吞豚卵二枚

又方 治小腸急痛腎縮面黑喘不救卽死

大蒜

連根七枚

葱小生姜二兩共切黃花煎服候炒葱熨氣海穴母令令

又方 治熱氣上冲胸煩悶手足攣搐搦如風者 花粉

竹茹水煎調燒裨散服見傷

赤衣散 女勞陰陽易并治 室女經衍燒氏有 煎水煎

服或兌藥服

# 寒疫

世之言疫者將瘟疫二字讀滑隨曰疫止有瘟而無寒也  
豈知疫有三而瘟其一焉尚有寒疫雜疫二者而人自不  
體認耳茲專說寒疫吳又可言春夏秋三時偶感暴寒但  
可謂感冒不當另立寒疫之名固已但感訓觸目訓犯係  
人不慎風寒自取之至於當天氣方溫熱之時而淒風苦  
雨驟至毛竅正開爲寒氣所束衆人同病乃天實爲之故  
亦得以疫名也其症則頭痛身痛身熱脊強惡寒拘急無  
汗感冒或則往來寒熱氣擁痰喘欬嗽胃痛鼻塞聲重涕

唾稠粘咽痛齒痛

俗云寒逼注火感冒所無

蘇羌飲主之

自定新方

蘇羌飲

治四時寒疾歷有奇效屢試屢驗并治傷寒傷風可代麻桂青龍羌活十神等傷試者路之應兵也

紫蘇

三錢

羌活

二錢

防風

一錢

陳皮

一錢

淡豉

二錢

葱白

數段

水煎服不應再服初覺速服必愈遲則生變

此足大陽藥也紫蘇溫中達表解散風寒羌活直入

本經治太陽諸症淡豉解肌發汗兼治疫瘴防風能

防禦外風隨所引而至陳皮利氣而寒鬱易解姜可

驅邪葱能發汗輔佐諸藥以成厥功四時風寒皆能

治療甚母以藥味平淺而忽之

唯不治瘟疫

如兼陽明症者加白芷一錢兼食積者加炒麥芽神  
麴各一錢內積者加山查一錢風痰氣壅涕唾稠黏  
加前胡一二錢欬喘急加杏仁一錢泡去皮大研心腹  
膨脹加姜炒厚朴一錢胃臆悶塞加炒枳壳五六分  
嘔逆惡心酌加藿香制半夏生姜一錢年高者虛怯  
者加人參一錢陰虛血虛者加熟地三錢當歸一錢  
脾虛者中氣不足者加參朮各一錢此汗散之方故  
不入柴胡若現少陽症當另作主張用和解之劑

誌